

RM 30.00



Pengantar Terkekang

A. Samad Idris



A. SAMAD IDRIS

Dengan

PAYUNG TERKEMBANG

Hak Penyusun dilindungi Undang-Undang

Cetakan Pertama 1990

Diterbitkan oleh

Pustaka Budiman

77-1 Jalan Kampung Pandan, 55100 Kuala Lumpur

Telefon: 9850499, Fax: 9858411, Telex: 31788

Dicetak oleh:

Malindo Printers,

Lot 3, Jln. 15/17, 40000 Shah Alam, Selangor Darul Ehsan.

Untuk Menungan Bersama

Penakik Pisau Seraut
Ambil Galah Batang Lintabung
Selodangnya Jadikan Nyiru

Setitik Jadikan Laut
Sekepal Jadikan Gunung
Alam Berkembang Jadikan Guru

Pantun Orang Tua-tua

Cuba nilai sendiri sejauh mana kebenarannya:

Puas sudah menanam ubi
Nenas juga dibeli orang
Puas sudah menabur budi
Emas juga dipandang orang

Apa pula kata Prof. Dr. Hamka:

Dulu rebab nan batangkai
Kini lagundi nan babungo
Dulu adat nan bapakai
Kini rudi* nan paguno

Nilai pula yang ini:

Kalau tuan menanam padi
Tanam ubahnya jarang-jarang
Kalau sudah menabur budi
Seumur hidup dikenang orang

- Apakah benar begitu?

*Rudi - Duit Belanda

Terhutang Budi:

Dharmala N.S.
Fadzillah Ibrahim
Pauzaayah Nordin

KANDUNGAN

M/Surat

1.	Sedikit mengenai buku ini	1
2.	Balada anak pertiwi	3
3.	Kata-kata Aluan dari	
	- Menteri Besar Negeri Sembilan	13
	- Harun Zain Bekas Gabenor & Bekas Menteri	14
	- Azwar Anaz Bekas Gabenor & Menteri Perhubungan	17
	- Hasan Basri Durin Gabenor	18
4.	Pertembungan dua budaya	32
5.	Hasrat Hati	43
6.	Lawatan Pertama	51
7.	Darah Perantauan	67
8.	Nama-nama suku di Negeri Sembilan	77
9.	Asal nama Seri Menanti	80
10.	Menjemput Raja	90
11.	Negeri Sembilan purbakala	95
12.	Negeri Sembilan di satukan kembali	131
13.	Lahirnya nama Negeri Sembilan	137
14.	Bendera Negeri	142
15.	Sedikit tentang adat istiadat	147
16.	Gelaran Yang Dipertuan (Yamtuan)	149

17.	Gelaran Undang	153
	- Undang dan Undang-Undang	158
18.	Kata Penutup Seminar Adat	160
	- Surat Gabenor Harun Zain	164
19.	Team Kesenian	166
20.	Lagu Payung Berkembang	198
21.	Lagu Indahnya Alam Negeri Moyangku	203
22.	Missi Muhibah Kesenian	209
	- Catatan Datuk Rashid Manggis	
23.	Raja Melewar	257
24.	Istana Lama	262
25.	Perlantikan adinda bukan kali pertama	266
26.	Negeri Sembilan sekarang	274
	- Menteri-Menteri Besar	
27.	Sedikit tentang Malaysia	295
	- Menteri Kabinet	311
28.	Gelaran Datuk Bagi Gabenor Sumatera Barat	318
	- Titah DYMM Tuanku Jaafar	320
	- Ucapan Harun Zain	322
29.	Gelaran Pesaka Diraja	331
30.	Kota Bersaudara Bandar kembar Bukit Tinggi/Seremban	340
31.	A. Samad Idris digelar Dato' Minangkabau	350

32.	Asal Minangkabau	371
33.	Satu Analisa Mengenai Asal Nama	374
34.	Kerajaan Pasumayam Kota Batu	377
35.	Kerajaan Bukit Batu Patah Pagar Ruyung	388
36.	Peradaban Minangkabau sampai Abad XII	393
37.	Kerajaan Bungo Setangkai di Sungai Kayu Batarok	404
38.	Bundo Kanduang	411
39.	Luhak nan Tigo	415
40.	Pandangan Sarjana Barat	421
41.	Undang-undang nan XX	424
42.	Kerajaan Dusun Tuo Lima Kaum	429
43.	Hubungan dengan negeri luar	436
44.	Warna Palambang atau bendera/ Marawa Minangkabau	437
45.	Yang Dipertuan Sakti Raja Hitam Tuanku Raja Alam Bagagarsyah Johan Berdaulat Raja Terakhir	439
46.	Tokoh-Nama Orang dan Tempat	446

SEDIKIT MENGENAI BUKU INI

Buku ini sengaja saya tuliskan dengan maksud supaya rakyat kedua-dua negara kita Malaysia/Indonesia dan Negeri Sembilan/Minangkabau sebanyak sedikit mengetahui akan salur galur sejarah kedua-dua daerah ini secara ringkas.

Orang-orang Negeri Sembilan khususnya tentunya ingin mengetahui asal usul negeri nenek moyangnya. Manakala orang-orang Minangkabau pula ingin mengetahui apa yang telah berlaku kepada nenek moyangnya yang telah merantau jauh sejak beratus tahun yang lalu.

Tentu saja tidak semua di antara kita yang berpeluang melawat kedua-dua negeri dan daerah ini, tetapi dengan membaca buku kecil ini sebanyak sedikit mereka akan dapat gambaran yang nyata walaupun tidak secara mendalam.

Atas kesedaran inilah saya telah meminta Datuk Bendaro Lubuk Seti seorang pegawai dari kantur Gabenor Sumatera Barat Padang dan seorang tokoh sejarah yang tidak asing lagi di Minang untuk menuliskan sejarah Minangkabau, diadunkan dalam sebuah buku bersama-sama dengan tulisan saya mengenai Negeri Sembilan, semoga ada munafaatnya.

Wassallam

A.S.I.

BALADA ANAK PERTIWI

i

Deburan ombakmu Selat Melaka
bukan pemisah pantai sejarahnya
dua rumpunan bangsa dari satu injap keturunan
sekian lama resah gelisah mimpiku
menatang bimbang masa silam yang hilang

Di gunung gemilang di laut sejahteramu
telah terukir kemegahan yang tak terperikan
dari Seri Vijaya ke Majapahit, Bugis, Acheh dan Langkasuka
kau kibarkan panji-panji keagungan -
Pagar Ruyung, Melaka, Johor-Riau, Pasai, Mataram dan Champa
kau binakan satu kerajaan besar bernama MELAYU

Tidak perlu pasport atau visa
kita jejakkan kaki ke segenap penjuru mu
kerana daerah ini milik kita bersama!

Mereka - tangan-tangan penjajah membina sempadan
memisahkan kita di sebalik benteng kuasanya
nafsu tamak menutup segala erti kemanusiaan

Mereka dedahkan pintu terbuka luas
kepada siapa saja yang berkeinginan
kita menjadi sepi, hina sebagai anak-anak abdi
meminggir di teratak sendiri

Ah, mereka agihkan negara kita
dicarik-carik dibelah bagi
bagaikan milik pesaka dari harta nenek moyangnya!

ii.

Telah dilalui satu detik menjadi kenangan pahit
sejarah pilu bukan lagi untuk ditangiskan
dan kita hanya terpisah di atas kertas

Kini himpulkan janji anak-anak tercinta
- anak pertiwi di bumi merdeka-
digenggaman tangan dijabat erat sebuah ikatan
rebah bangunnya bersama:
budaya dan adat istiadat Melayu
tegak segaknya menjunjung khidmat
warisan bangsamu!

Nah! generasi penerus amalan
tadahkan dadamu ke laut kejujuranmu
di puncak gunung keyakinan di dasar lurah kesetiaan
lenyapkan segala sengketa

pandanglah hala ke depan tembok mencabar
tolehlah jauh ke belakang benteng cekalnya
langkahmu gerak bangsa dalam genggamanmu
cuai lalai bererti maut

iii.

Atas keyakinanmu anak-anak pertiwi
di bumi tercinta ini;
kita sedut bersama udara kebebasan
dengan nadi berdenyut darah mengalir hangat
melangkaui bukit-bukau gunung-ganang lurah dan jeram
puncak kemenangan segala sumpah gemilang

Pun di ombak gelombang menghempas ke pasir pantai
burung camar berpapasan mengejar senja
ikan-ikan di sungai berenang bermain arus
di laut menunda ombaknya
haiwan ganas di rimba - haiwan jinak ternakmu di riba
rumput-rumpai dan kayu-kayan menjulang tinggi
nyamuk dan lalat berterbangan bersama debu duka
merak mendung mengigal bersahutan
kicau murai di subuh dingin
menyedarkan kita di atas warisan budaya ini
- segalanya menjadi saksi
kitalah pemilik mutlaknya

iv.

Usah pula dikhianati setianya anak-anak pertiwi
apakah kerana itu gerangannya
kerana keluhuran budimu
kera di hutan disusukan
anak di pangku diletakkan
dagang lalu ditanakkan
laki pulang kelaparan


Kerana telah kau mungkiri
janji anak-anak pertiwi
dalam jabat erat genggamannya
kau ambil kesempatan ini

Lalu di airmata yang tumpah
mereka hampir bergelandang menadah tangan
meminta harap belas kasihan
di mukanya arang di kakinya onak terancang
kerana di setiarela kau berdusta:
air tebu dibalas tuba
seteguk air berdebu kaca
sesuap nasi berpasir kerikil
hingga degup berakhir


v.

Kini anak-anak pertiwi meminta tanda
sumpah bertuah yang dimimpikan
patah tumbuh hilang berganti
bersama tabah-yakin keberanian
di sini sumpah nenek-moyang di bumi keramat
jangan kau mungkiri
jangan kau khianati
pegang teguh janjimu

Cahaya fajar memancar sinar
di sebalik jangkauan kaki langit
setinggi gunung harapan
seluas samudera idaman
kita satu dalam ikatan



*Lambang atau Cogan Negeri,
Negeri Sembilan*



Bendera Negeri, Negeri Sembilan

PAYUNG TERKEMBANG

Dengan taufik dan hidayah Allah S.W.T. dan berkat syafaat junjungan kita Nabi Besar Muhammad S.A.W., dengan segala rendah hati saya persembahkan secebis kisah ini untuk santapan rohani bersama semoga dapat kita meniti ingatan bagaimana ketabahan orang tua-tua dulu dalam mengharungi gelombang hidup.

Satu Januari, 1968 adalah satu tarikh yang mengandungi erti yang bermakna bagi diri saya kerana pada hari inilah saya mula menjejakkan kaki di bumi nenek moyang nan indah ini yang begitu lama menjadi impian yang tidak kunjung padam dalam ingatan.

Maksud awalnya, walaupun tidak terlintas di hati seperti yang telah terjelma pada hari ini, tetapi ia bukan pula tidak menjadi hasrat untuk membina tian emas di atas persada kedua negara satu turunan Malaysia/Indonesia dan Negeri Sembilan/Minangkabau khususnya.

Kerana kurangnya minat atau kelalaian orang tua-tua kita dulu untuk merakamkan larian sejarah yang berlaku dalam zamannya menjadikan kita yang berada di hari ini terpaksa meraba-raba dalam kegelapan untuk mencari fakta-fakta yang tepat.

Sebagai contoh, kalaulah tidak ada Tun Seri Lanang dan Munshi Abdullah dan lain-lain yang tidak begitu ramai bilangan orang seumpamanya merakamkan peristiwa yang berlaku beratus-ratus tahun yang lalu, apakah kita semua yang menghuni alam tanahair hari ini mengenali Sejarah Melayu dan Hikayat Abdullah dengan segala isi yang terkandung di dalamnya?

Memang tidak siapa yang boleh menafikan, untuk mengumpulkan kepingan-kepingan sejarah yang berselerak di sana sini itu bukanlah satu kerja mudah seperti menghadapi makanan yang telah sedia terhidang. Ia memerlukan banyak waktu dan tentunya juga ongkos yang tidak sedikit jumlahnya.

Sebagai seorang yang amat meminati dalam bidang ini saya cuba menyusun lagi peristiwa ini untuk dibukukan semoga ada menafaatnya kepada kita sekalian. .

Buku kecil ini diberi nama 'PAYUNG TERKEMBANG' mengambil sempena hubungan kembali di antara Negeri Sembilan/Minangkabau khususnya dan Malaysia/Indonesia umumnya.

Sebagai insan biasa, tersalah silap mohon dimaafkan, wasallam.

Salam hormat dari,


Hamba yang ikhlas

A SAMAD IDRIS

Teratak Desa

Kuala Lumpur

1hb. Disember, 1989



Telefon: Seremban 722421 & 722311
PEJABAT MENTERI BESAR,
TINGKAT 5B, WISMA NEGERI,
70502 SEREMBAN



فجاجة منتري بسر
نكري سمبيلن

M.B.N.S. 1.09 MENTERI BESAR, NEGERI SEMBILAN
5 Disember 1989

SELEMBAR HARAPAN

Rintisan yang telah dibuat oleh Tan Sri Dato' Samad yang mengimbas kembali pertalian Negeri Sembilan dan Minangkabau seharusnya menjadi ikutan dan warisan bagi generasi akan datang.

Seperti yang kita semua maklum, sebahagian besar dari orang Melayu Negeri Sembilan berasal dari tanah Minangkabau. Perhubungan ini bukan sahaja mengeratkan tali persahabatan dan persaudaraan di antara Negeri Sembilan dengan Sumatera Barat malahan di antara Malaysia dan Indonesia.

Perkaitan dari segi adat dan budaya di antara kedua rumpun bangsa yang terpisah oleh angkara penjajah sejak beratus tahun yang lalu seharusnya menjadi contoh teladan dan panduan yang sebaik-baiknya bagi kita sekalian mengingati yang baik menjadi teladan dan yang buruk menjadi sempadan.

Perjanjian kota kembar di antara Seremban dengan Bukit Tinggi seperti yang telah saya tandatangani lebih setahun yang lalu menjadi asas yang kukuh bagi bagi memupuk dan membajai lagi supaya pokok yang ditanam itu hidup subur dan dapat dipetik buahnya.

Buku yang ditulis oleh Tan Sri Datp' Samad yang bertajuk 'Payong Terkembang' ini adalah salah satu dari usaha yang sangat baik bagi mengingati dan mengenangkan serta panduan bagi generasi yang akan datang.

Salam hormat,

(DATO' HJ. MOHD ISA BIN HJ. ABDUL SAMAD).



HARUN ZAIN

Jalan Galuh II No. 16

Telp. : 714978 dan 7203959

Kebayoran Baru — Jakarta Selatan

Jakarta, 20 Nopember 1989

Asallamu allaikum Wr.Wb.

Pertama-tama izinkanlah saya menyatakan hormat beserta bangga dari lubuk hati saya yang sedalam-dalamnya kepada Tan' Sri Datuk Samad Idris, sahabat karib saya, seorang mantan Menteri Besar Negara Sembilan di Malaysia yang memprakarsai penerbitan buku mengenai : "Sejarah hubungan rakyat Negeri Sembilan dengan rakyat Minangkabau.

Buku ini tidak saja akan bermanfaat bagi masyarakat di Negeri Sembilan dan masyarakat Minangkabau, tetapi pula mempererat sekaligus hubungan keakraban antara rakyat Malaysia dan Indonesia.

Pada mulanya Tan Sri Datuk Samad Idris menginjakkan kaki beliau di ranah Minang pada tahun 1968, dimana pada waktu itu kami berdua belum saling mengenal lagi.

Baru dalam suatu peristiwa dimana beliau membawa rombongan sepak bola Malaysia ke medan kami saling berjumpa dimana sejak semulanya terasa ada hubungan bathin yang kuat antara kami berdua.

Kemudiannya beliau berkali-kali datang ke Minangkabau dan selalu berjumpa baik dengan para Ninik Mamak, Datuk Kepala Adat maupun dengan Cerdik pandai di Sumatera Barat, sehingga proses persahabatan yang berasal serumpun tersebut makin mesra.

Peristiwa yang patut dicatat pula adalah pengiriman suatu Tiem kesenian Minangkabau sebesar ± 60 orang ke Malaysia, khususnya ke Negeri Sembilan pada tahun 1968 yang terbukti sangat berkesan bagi masyarakat tersebut, sehingga menimbulkan rasa ingin lebih kenal dan berdekatan dengan masyarakat Minangkabau yang terbukti berasal dari rumpun yang sama, dimana sebelumnya itu hubungan kedua masyarakat tersebut terputus selama kurang lebih 200 tahun.

Hubungan kunjung-mengunjungi antara masyarakat Minang di Sumatera Barat dengan masyarakat keturunan Minang di Malaysia khususnya dari Negeri Sembilan berlangsung makin ramai dan mesra. Hubungan persaudaraan ini kemudian terbukti turut meningkatkan pula hubungan baik antara rakyat Malaysia dengan rakyat Indonesia pada umumnya.

Suatu peristiwa yang sangat berkesan dan menjadi kenangan yang berarti adalah dimana DYMN . Tuanku yang Di Pertuan Besar Negeri Sembilan mengurniakan Gelaran Kebesaran Datuk, semula kepada saya, kemudian pula kepada Bapak Ir. Azwar Anas, pengganti saya sebagai Gubernur Sumatera Barat.

Peristiwa tersebut sangat penting dalam melanjutkan keakraban, tidak saja antara masyarakat Negeri Sembilan dan Minangkabau, tapi lebih² lagi mempertebal tali ikatan persahabatan antara rakyat Malaysia dan Rakyat Indonesia yang sekarang sama-sama sedang berpacu dalam kiprah pembangunan masing-masing.

Dalam rangka hal-hal tersebut kita semua menghargai usaha Tan Sri Datuk Samad untuk menerbitkan buku hubungan sejarah antara rakyat Negeri Sembilan dan Minangkabau.

Semoga buku ini akan lebih membuka tabir sejarah dari dua keluarga besar yang berasal dari rumpun yang sama, sehingga generasi kita sekarang, lebih-lebih lagi generasi penerus yaitu anak kemenakan kita akan lebih memperdalam lagi nilai-nilai luhur yang terkandung dalam sejarah perkembangan nenek moyang kita. Karena itu nilai sejarah dan nilai budaya dari buku ini sangat berharga.

Sekali lagi, saya ucapkan selamat atas penerbitan buku sejarah mengenai "Hubungan rakyat Negeri Sembilan dengan Minangkabau".



HARUN ZAIN

Datuk Sinaro,
Datuk Purba Jasa Di Raja



MENTERI PERHUBUNGAN

REPUBLIK INDONESIA

S A M B U T A N

TYT DATO' SERI UTAMA MAJOR GENERAL

IR H. AZWAR ANAS SPNS

Assalamuallaikum W.W.

Dengan memanjatkan Puji dan Syukur Kehadirat ALLAH Tuhan Yang Maha Esa, kami menyambut gembira prakarsa Yang Mulia Tan Sri Dato' Samad Idris untuk menggali, melestarikan, merangkum hubungan Nenek Moyang Kita dalam sebuah buku ;

" PAYUNG TERKEMBANG "

Diterbitkannya buku ini, tentunya akan menjadi satu khasanah pemersatu dan mengikat kita sebagai satu Rumpun Bangsa Melayu yang berkembang sesuai dengan perkembangan sejarah masing-masing untuk mencapai cita-cita membangun masyarakat yang makmur, harmonis dan damai di-kawasan ini.-

Akhirul kata, Semoga Allah Subhana Wataala akan selalu me-Ridhoi kita semua dan kiranya hubungan kekeluargaan masyarakat se-Rumpun antara Negara Malaysia & Indonesia akan menjadi lebih kokoh lagi.-

A m i e n Jakarta , November 1989

TYT DATO' SERI UTAMA MAJOR GENERAL

IR H. AZWAR ANAS SPNS

GELAR DATUK RAJO SULAIMAN



GUBERNUR KEPALA DAERAH TINGKAT I SUMATERA BARAT

S A M B U T A N

GUBERNUR KEPALA DAERAH TINGKAT I SUMATERA BARAT

Bismillahirrahmanirrahim.

Pertama-tama kami sampaikan penghargaan yang setinggi-tingginya kepada yang terhormat Tan Sri Datuk A. Samad Idris, atas perhatian serta usaha yang sungguh-sungguh dan tulus ikhlas dari beliau untuk mengungkapkan adanya pertalian darah dan adat istiadat antara Negeri Sembilan dan Minangkabau Sumatera Barat. Ternyata hasrat untuk mengungkapkan adanya pertalian tersebut telah tumbuh dan berkembang sejak masa muda beliau, didorong oleh perasaan yang beliau miliki akan adanya pertalian tersebut, semenjak masa kanak-kanak beliau.

Telah sama kita ketahui bahwa pertalian dimaksud bukanlah karena kebetulan, atau dibuat-buat berdasarkan keinginan ataupun basa-basi karena ada suatu kepentingan dibelakangnya, tetapi pertalian tersebut terbentuk melalui suatu peristiwa sejarah yang jelas. Hanya saja peristiwa tersebut kurang didukung oleh catatan-catatan tertulis, karena kebiasaan yang berlaku bagi pendukung adat Perpatih pada masa itu bahwa untuk mengenang suatu peristiwa sejarah, hanya disampaikan melalui penuturan dari mulut ke mulut ataupun melalui dendang puitis, yang pada lahirnya dirasakan sebagai pe-

lipur lara; dan penyampaiannyapun tidak teratur sebagaimana jalannya peristiwa sejarah dimaksud.

Sungguhpun demikian, dari bukti-bukti dan peninggalan yang berserakan di lapangan pada kedua kawasan tersebut, ditambah lagi dengan kesamaan sikap dan tingkah laku serta tata cara kehidupan masyarakatnya, seperti yang dapat dilihat pada adat istiadat yang dipakai, memberikan petunjuk yang jelas bahwa pertalian tersebut memang ada.

Kendala lainnya yang menyebabkan kaburnya jejak sejarah itu, adalah karena kedua kawasan ini sempat dijajah oleh dua kekuatan besar yang berbeda dalam masa yang cukup lama. Sehingga seolah-olah kedua kelompok masyarakat tersebut telah terlepas dari rumpunnya dan telah menuliskan sejarahnya masing-masing.

Selanjutnya, sesuai dengan jalan sejarah masing-masing, kedua kawasan tersebut sama-sama memperoleh kemerdekaannya. Negeri Sembilan berada dalam kerajaan persekutuan Malaysia merdeka, dan Minangkabau berada dalam Negara Republik Indonesia merdeka, dua negara bertetangga yang mempunyai akar budaya serumpun.

Dalam kondisi yang demikianlah yang terhormat Tan Sri Datuk A. Samad Idris berusaha menyusun kembali carikan-carikan peristiwa masa lalu itu, dalam sebuah buku yang dapat diwariskan kepada anak cucu, generasi penerus dari kedua kelompok tersebut, bahkan bagi kedua negara bertetangga. Suatu usaha yang mempunyai makna besar di bidang pendidikan dan kebudayaan untuk masa kini dan masa depan bagi kedua belah pihak. Semoga usaha ini akan menjadi amal saleh bagi beliau di sisi Allah Tuhan Yang Maha Kuasa.

Harapan kami semoga buku yang disusun oleh Tan Sri Datuk A. Samad Idris ini akan semakin memperjelas pertalian dan akan saling mendukung dengan kajian yang sedang dilaksanakan pula di Sumatera Barat, yang menitikberatkan pada kajian hubungan kekerabatan antara Diraja Negeri Sembilan dan Minangkabau, yang telah pula mendapat perkenan dan restu dari DYMM

Tuanku Yang Dipertuan Besar Negeri Sembilan. Dengan demikian kami yakin bahwa apa yang telah dilakukan adalah merupakan awal dari upaya yang lebih luas di masa yang akan datang, sesuai dengan selogan yang telah dikumandangkan "Payung telah berkembang, kembang yang tiada kan kuncup lagi".

Akhirnya, kami ucapkan terimakasih atas kehormatan yang telah diberikan kepada kami untuk memberikan sambutan dalam buku ini. Mudah-mudahan terbitnya buku ini akan memberi manfaat kepada Negeri Sembilan dan Sumatera Barat pada khususnya, serta kepada kedua bangsa dan negara (Malaysia dan Indonesia) pada umumnya.

GUBERNUR KEPALA DAERAH TINGKAT I
SUMATERA BARAT



DRS. HASAN BASRI DURIN



"CHANGGAI PUTERI"
Chogan Kebesaran Peribadi
Duli Yang Maha Mulia Yang Di-Pertuan Besar
Negeri Sembilan




DULI YANG MAHA MULIA
YANG DIPERTUAN BESAR, NEGERI SEMBILAN
TUANKU JA'AFAR IBNI AL-MARHUM TUANKU ABDUL RAHMAN
DK., DMN., DK (Brunei), DK (Kelantan), DK (Kedah), DK (Selangor)
DK. (Perlis), DK (Johor).



**DULI YANG MAHA MULIA
TUNKU AMPUAN, NEGERI SEMBILAN
TUNKU NAJIAH BINTI TUNKU BESAR BURHANUDDIN., DK.**



DYMM TuanKu Jaafar, DYMM Tunku Ampuan bersama-sama dengan putera, puteri, menantu dan cucu-cucunya. 1987.



Y.A.M. DATO' MENDIKA MENTERI AKHIRULZAMAN
DATO' HAJI MUSA BIN WAHAB, DTNS., P.J.K.
(UNDANG LUAK JELEBU)



YAM DATO' JOHAN PAHLAWAN LELA PERKASA SITIAWAN
DATUK ABDUL BIN JALI, DTNS.,
(UNDANG LUAK JOHOL)



**Y.A.M. DATO' SEDIA RAJA DATO' HAJI ADNAN BIN
HAJI MA'AH, D.T.N.S.
(UNDANG LUAK REMBAU)**



**Y.A.M. KOL. TUNKU SYED IDRUS AL-QADRI BIN
TUNKU SYED MOHAMAD - TUNKU BESAR
TAMPIN, DTNS.
(TUNKU BESAR TAMPIN)**

Abad Permulaan Sejarah Alam Minangkabau

Sebelum meninjau Minangkabau dari sumber sejarahnya, kita perlulah menilai penghijrahan imigran sebagai gerak awal kepada perkembangan Alam Minangkabau ini. Dalam konteks sejarah penghijrahan imigran bangsa-bangsa dari Utara dan Barat ke Selatan sudah bermula sejak berabad-abad sebelum Masehi.

Sebab-sebab perpindahan serta penghijrahan ini tidaklah dihuraikan di sini, kerana kita mahu menumpukan kajian hanya kepada penghijrahan itu sebagai sumber perkembangan Alam Minangkabau. Mungkin dalam kajian lain boleh kita titipkan sebab-sebab penghijrahan tersebut dari konteks sejarahnya.

Penghijrahan imigran ini adalah berperingkat-peringkat. Perjalanan yang mereka lalui datang dari setiap penjuru sama ada mengikut jalan darat mahu pun jalan laut meliputi seluruh Nusantara. Dari Selatan mereka datang dari arah Australia, manakala dari Timur pula berasal dari Filipina dan dari Jepun di sebelah Utara.

Disebabkan penghijrahan itu tidak berlaku sekaligus, maka sudah tentulah ianya berperingkat-peringkat memakan masa bertahun-tabun dan berabad-abad. Bermula dari sinilah kita dapati di awal abad pertama Masehi muncul beberapa buah kerajaan di Nusantara Indonesia yang dibangunkan oleh pelaut dan pengembara yang disebutkan di atas. Antara kerajaan-kerajaan ini ialah:

1. Kerajaan Taruma Negara di Jawa, Tulang Bawang di Sumatera, Kendari di Sulawesi, Sabadabai dan Poli.
2. Fahien (399M - 414M) mengadakan perjalanan dari China ke Selatan dan Hindustan, sempat singgah di Sumatera belajar Cloka (seloka?) di Sumatera (atau Surawaso)
3. Kerajaan Sriwijaya didirikan serta dibangun oleh lebih kurang 683 rombongan yang menghilir dari Hulu Batang Hari (Kedudukan Bukit). (Dalam sejarah Malaysia Kerajaan Seriwijaya ini berpusat di Palembang dalam abad ke 3).
4. Di sekitar abad ke 7 dan ke 8, agama Islam mula tersibar di Sumatera, terutama di bahagian Timur dan Barat di Baros.
5. I Tsing dalam perjalanannya berangkat dari Syaitong tahun 671 Masehi telah melihat Sumatera masih di bawah pengaruh Budha (mungkin Hindu?). Ketika ini Kerajaan Seriwijaya (Sriboja mengikut catatannya) adalah di bawah Dinasti Syailendra (Salendra).
I Tsing sampai juga ke Sumatera Timur, termasuk Riau dan Semenanjung Melayu (Semenanjung Tanah Melayu); serta berkemungkinan juga ke Tanah Jawa. Sayangnya beliau tidak mencatatkan kerajaan serta pemerintahan negara-negara berkenaan.
6. Di sekitar tahun 700 Masehi, agama Islam semakin berpengaruh di Sumatera terutama di bahagian timur yang dibawa serta disebarkan oleh pedagang-pedagang dari Timur Tengah.
7. Sultan Iskandar Zulkarnain, Raya Mecendonia Raja pada tahun 670 Masehi yang menguasai Benua India bercita-cita mahu menyatukan Timur dan Barat. Apabila beliau meninggal dunia, cita-citanya itu diteruskan oleh pengikut-pengikutnya.
8. Di sekitar abad ke 7 tidak jelas dalam urutan sejarahnya sama ada Sumatera di bahagian Tengah, termasuk atau tidak di bawah Kerajaan Seriwijaya. Hanya dari catatan I Tsing disebutkan pengaruh Budha didapati di Sumatera termasuk Riau dan Semenanjung Tanah Melayu. Bagaimanapun di Muara Takus memang terdapat candi Budha.

9. Kelahiran Nabi Muhammad dalam tahun 579 Masehi serta kerasulannya membawa sinar kepada perkembangan Islam di rantau Melayu ikut memberi perkembangan baru kepada kerajaan-kerajaan di Alam Melayu.
10. Pengluasan Kerajaan Manjapahit dari Jawa ke negeri-negeri Melayu sekitar tahun 1197 Caka (atau 1275 Masehi) telah sampai ke Hulu Batang dekat Sungai Langsat. Bekas-bekas pemerintahan Manjapahit ini dapat dilihat sekarang seperti Padang Roco (Padang Arca), Kiliran Jaho (tempat orang-orang Jawa mengasah pedang), Padang Sibusuk (bekas bangkai yang membusuk akibat perang berpanjangan).
11. Demikian juga perjalanan laut melalui pantai timur Sumatera sudah berlangsung sejak berabad-abad. Ada kemungkinan Pulau Sumatera yang disebut sebelumnya Pulau Paco (Pulau Emas) hanya deretan pulau-pulau. Apabila berlaku perubahan alam deretan pulau-pulau ini kemudiannya bercantum menjadi Pulau Sumatera. Sebab itulah pulau-pulau, tanah pamah (Delta) serta paya mudah disusuri agak jauh hingga ke hulu sungai.

Penghijrahan imigran dari tanah daratan di Utara dan Timur Tengah ke arah Selatan yang dikenali Melayu Tua dan Melayu Muda inilah kemudiannya menjadi nenek moyang bangsa-bangsa di Nusantara yang terletak antara Filipina dan Australia.

Dalam tahun 1158 diriwayatkan dalam 'Lintasan Sejarah Kerajaan Siak Sri Indrapura' Sang Nila Utama dari Palembang telah mendirikan Kerajaan Temasik, yang akhirnya menjadi kota yang terlalu cepat berkembang maju. Sementara dalam sejarah ringkas Minangkabau dan adatnya pula disebutkan Sang Nila Utama bersama abangnya Sang Nila Utama Pahlawan dan Karna Pendeta (atau Sang Sapurba) adalah anak Raja Surantokoh lagenda dari Benua India.

Salah seorang dari anak raja ini iaitu Sang Sapurba menjadi Raja Palembang. Kemudiannya Sang Sapurba memudiki sungai Batang Kuantan hingga sampai ke Langgundi Nan Baselo di Pariangan. Beliau ikut sama membantu mendamaikan kekacauan yang berlaku di sini. Di dalam Tambo (Terombo) dikiaskan bahawa:

Datanglah rusu dari laut,
ditembak datuak nan baduo,
satu datak duo dantamnyo.

Selanjutnya dinyatakan bahawa Sang Sapurba bermukim di Pariangan lantas dirajakan bagi mengenang jasanya mengalahkan Siku-Mambang yang menimbulkan kekacauan di Pariangan. Beliau berkahwin dengan salah seorang puteri dari Kerajaan Pariangan ketika itu, dan meninggal dunia di sana. Dalam konteks ini jelaslah bahawa di Pariangan telah muncul kerajaan besar yang mempunyai peradapan tinggi sekitar abad ke XII itu.

Selain itu dari pendekatan agama kita mendapati agama nenek moyang penduduk asli Pulau Paco ini ialah Agama Animisme dan Dinemisme. Kepercayaan demikian memperlihatkan nenek moyang tersebut tidaklah mengenali Tuhan sebagai benda atau memberi gambaran kasar pada tuhan itu. Sudah tentu pula mereka tidak memahat batu atau ukiran yang dibangunkan dari tangan manusia untuk memastikan kepercayaan kepada Tuhan.

Nenek moyang ini hanya percaya kepada roh jahat dan halus, yang satu ketika boleh memberi kerosakan dan mala petaka. Mereka memuja roh ini dengan menghantar sajian sebagai korban di tempat-tempat yang dikira keramat atau sakti.

Bagi orang yang hidup mereka percaya bahawa kesudahan dari kehidupan itu adalah kematian. Atas alasan inilah mereka dianjurkan supaya berusaha seumur hidup dengan ikhlas, benar dan berbudi luhur. Perkara-perkara yang ghaib sememangnya sudah menjadi kepercayaan mutlak mereka. Sikap dan pandangan hidup yang demikianlah menjadi sumber ke arah kelahiran Adat Minangkabau. Mereka berpegang kepada 'kebenaran itu berdiri dengan sendirinya'.

Kedatangan Raja Yang Pertama (Maharaja Diraja)

Sekalipun belum dapat dipastikan dengan jelas, namun pada abad pertama sebelum atau sesudah Masehi, telah datang serombongan penghijrah imigran dari lautan, menetap di Pulau Paco (Pulau Emas) hingga sampai ke lereng Gunung Merapi (Berapi).

Hampir semua Tambo (Terombo) yang ditulis kemudian oleh ahli-ahli terombo mendapati nenek moyang Orang Minangkabau membawa peradapan tinggi. Mereka mengajar generasinya menetap di satu tempat dengan berusaha meneroka serta bercucuk tanam menggunakan peralatan sederhana. Pemimpin yang menganjurkan kerja-kerja demikian kepada penghijrah imigran ini dikenali sebagai Sri Maharajo Dirajo (dari kajian sejarah Sri ini selalunya gelaran kepada pembesar-pembesar dari Tanah Besar India).

Tokoh Sri Maharajo Dirajo diriwayatkan oleh hampir semua terombo mengaitkan salasilahnya rangkai berangkai dengan pembesar-pembesar sebelumnya seperti Adam a.s., Nabi Nuh a.h. dan Maharaja Iskandar Zulkarnain, Raja Mecedonia yang mempunyai kekuasaan besar hingga sampai dari Rom ke Benua India yang bercita-cita mahu menyatukan antara Timur dan Barat.

Berdasarkan dari pertimbangan akal serta perbandingan umum pergolakan dunia, keturunan Sri Maharajo dirajo ini dikatakan paling mendekati salasilahnya kepada Iskandar Zulkarnain. Ini dapat kita sandarkan kepada cita-cita Sri Maharajo Dirajo sendiri sama ada ketika zamannya, masa hidupnya mahupun selepas meninggal dunia, mempunyai kaitan dengan cita-cita yang diasaskan oleh Iskandar Zulkarnain itu.

Maharaja Dirajo membawa pengikut-pengikutnya apabila meninggalkan tanah pangkal (negeri asalnya) melalui bandar-bandar sepanjang perjalanannya hingga sampai ke Pulau Paco. Tempat yang ditemuinya itu dirasakan sesuai serta serasi disebabkan mempunyai banyak persamaan dengan negeri asalnya ataupun 'tanah pangkal'.

Apabila sampai di lereng gunung, Maharajo Dirajo pun mulalah berusaha meneroka kawasan baru dengan bercucuk tanam untuk membangunkan daerah baru di situ. Usaha gigih yang dijalankan oleh Maharajo Dirajo ini menjadikan tempat yang diterokainya sebagai tumpuan ramai. Di situlah terbangunnya pusat peradapan dan perkembangan tamaddun yang dinamakan ALAM MINANGKABAU, seperti ditegaskan dalam perbilangannya:

Dari mano titiak palito
di balik telong nan bertali
dari mana asa niniak moyang kito
di lereng Gunung Berapi

Siraut bari bahulu
 Diasah mako bamato
 lautan sajo dahulunyo
 kemudian banamo Pulau Paco

Ungkapan ini acapkali dikemukakan dalam tulisan yang menyangkut peradapan Alam Minangkabau ini. Bagaimanapun tidaklah dapat dikesan dengan khusus jumlah pengikut-pengikut yang menyertai rombongan Maharajo Dirajo ini berhijrah meneroka perkampungan baru di lereng Gunung Berapi itu. Tetapi dari sumber kajian sejarah memang jelas perkampungan yang diteroka oleh Maharajo Dirajo ini mempunyai pembesar-pembesarnya yang lengkap memainkan peranan mentadbir perkampungan (negeri) baru yang diasaskannya sebagaimana diperakui:

1. Sri Maharajo Dirajo - Ketua atau yang dirajakan I di Gunung Berapi yang dinamakan Parumayan Kota Batu.
2. Puteri Inda Jalito - Permaisuri
3. Cati Bilang Pandai - Ahli fikir atau penasihat raja
4. Sri Dirajo - Orang kedua sesudah raja selaku orang tua dan Dewan Pertimbangan
 Kemudiannya bergelar Datuk Sri Diraja (Penghulu I). Beliau juga disebut Datuk Dingalau.
5. Puteri Andrajalia - Permaisuri
6. Datuk Bandaro Kayo - Tampuk Alam, Penghulu II
7. Datuk Maharajo Bosa - Tangkai Alam, Penghulu III
8. Sutan Maharajo Bosa - Kemudiannya bergelar Datuk Ketemenggungan sebagai pengasas Dinasti Koto Piliang atau sistem

pemerintahan Koto Piliang dan beliau adalah Putera Mahkota

9. Sutan Balun - Kemudiannya bergelar Datuk Perpatih Nan Sabatang, yang juga Putera Mahkota berlainan bapa dengan Datuk Ketemenggungan, dan beliau lah pengasas dinasti/sistem pemerintahan Bodi Caniago.
10. Sikalap Dunia - Bergelar Datuk Maharajo Nan Bomego Megom saudara seibu sebapa dengan Datuk Perpatih Nan Sebatang.
11. Datuk Tan Tijo Gerhano - Orang besar kerajaan di Koto Batu selaku ahli Senibangun atau Arkitek (tukang yang mahir).

Nama gelaran ini termaktub dalam terombo yang sahih yang memperjelaskan kedudukan sistem pentadbiran terawal yang diasaskan oleh Sri Maharajo Dirajo. Selanjutnya terungkap juga di dalam terombo berkenaan mengenai sempadan daerah serta wilayah yang terkandung di dalam kerajaan Pasumayan Koto Batu ini, iaitu:

“Puputan angin si Dolak Dolai - dimano banto nan berayun - di langgundi nan baselo - di ateh batu hampa putih - tampek batu sajamba makan - sanan si rangkak nan badangkling - buayo putih daguak - banamo Guguak Ampang - sawah gadang satampang baniah - di bawah labuhan timbago - lurah situka - perumahan titian lanang; titian Lapuak Lampang -sampai ke Guguak Ampang.

“Sahiliran Batang Bangkaweh - saedaran gunuang barapi -dari bukit Tamasu nan bacangga kateh - hingga guguk Sikaladi. Periangnan manjadi tampuak - Padang Panjang banamo Tangkoi - itu nan Pasumayan Kotonyo Batu”.

Demikian susur-galur keturunan Sri Maharajo Dirajo merupakan salah seorang dari tiga bersaudara yang berhijrah meninggalkan negara asalnya meneroka

negara baru mengharungi lautan luas terbentang. Sementara dua saudaranya yang lain dikatakan langsung membawa pengikut-pengikutnya bertebaran hingga ke China dan Jepun.

Setelah menaiki takhta sebagai raja di Pasumayan Koto Batu, mata Sri Maharajo Dirajo menetapkan daerah kekuasaannya sekitar Langundi Nan Baselo saja. Dari sinilah beliau mula membuka negeri dengan sokongan penduduk-penduduk asli di situ yang masih rendah peradapannya untuk meluaskan lagi wilayahnya hingga diasaskannya pula Negeri Pariangan dan Padang Panjang.

Kemudiannya usaha diteruskan lagi dari Pariangan membuka negeri hingga sampai jauh ke tepi Danau Singkarak iaitu Bukit Tamasu. Sri Dirajo dilantik oleh Seri Maharajo Dirajo penghulu pertama di Pasumayan Koto Batu dengan gelaran Datuk Suri Dirajo sebagai bermulanya sistem pemerintahan yang tersusun di Alam Minangkabau.

Sementara itu di Pariangan seorang tokoh lain dilantik menjadi penghulu dengan gelaran Dauk Bandaro Kayo. Demikian juga di Padang Panjang dilantik seorang tokoh menjadi penghulu bergelar Datuk Maharajo Baso. Mereka berdua inilah kemudiannya disebut Tampuk Tangkai Alam.

Untuk memperkuatkan lagi sistem pemerintahan di Pariangan, Datuk Suri Dirato telah mendirikan tempat bermuafakat membincangkan masalah pentadbiran yang dikenali sebagai 'Balai Nan Saruang' dengan 'beratapkan langit, berdingkan angin dan berlantaikan batu'.

Sudah tentulah tempat bermuafakat mereka ini di tempat terbuka seperti padang. Segala perbincangan mengenai pentadbiran negeri dilangsungkan di tempat bermesyuarat ini yang dianggotai oleh Sri Maharajo Dirajo sendiri bersama pembesar-pembesarnya Datuk Suri Dirajo dan Cati Bilang Pandai. Bagi melicinkan lagi kuasa pemerintahannya mereka melaksanakan undang-undang yang termaktub dengan nama 'UNDANG-UNDANG SIMUMBANG JATUAH'.

Dalam undang-undang ini ditegaskan 'Siapa membunuh itu dibunuh'. Maksudnya, ianya merupakan satu undang-undang yang tidak boleh disanggah atau ditentang oleh sesiapa pun. Dalam ertikata lain, sesuatu perintah itu hendaklah disempurnakan dengan tidak ada bantahan dari mana-mana pihak.

Barangkali kita dapat memahami mengapa undang-undang demikian dimaktubkan demikian ketika itu, berdasarkan masalah yang menyelubungi masyarakat. Sekiranya tidak dilaksanakan undang-undang yang kuat, tentulah sukar mengawal pengikut-pengikut dengan sistem sosial ketika itu yang seolah-olah mempunyai prinsip 'siapa kuat dialah kudrat'.

Di samping itu masyarakat juga masih belum dilengkapi dengan alat-alat moden untuk membangunkan infra-struktur seperti sekarang. Dalam menghadapi suasana demikian seseorang pemimpin sudah tentulah memerlukan kelebihan ilmu, berwibawa dan mempunyai keistimewaan yang berbeza dari manusia biasa.

Setelah negara Pariangan mencapai tahap kemajuan di bawah pemerintahan Sri Maharajo Dirajo, beliau pun sudah berusia kian tua. Bagi meneruskan pemerintahannya maka tokoh yang sebanding dengannya ialah Datuk Sri Dirajo. Beliaulah yang memangku jawatan Sri Maharajo Dirajo dalam Kerajaan Pasumayan Koto Batu itu. Apabila Sri Maharajo Dirajo meninggal dunia, beliaulah seterusnya mengambil alih pemerintahan.

Datuk Suri Dirajo menaiki takhta sebagai Yang Dipertuan ke II bagi Kerajaan Pasumayan Koto Batu menurut terombo yang dipesakai. Beliau membawa beberapa pembaharuan pula dalam pentadbirannya di samping pengalamannya yang luas sebagai pembantu kanan Sri Maharajo Dirajo. Malah beliaulah yang banyak menggariskan dasar pemerintahan kerajaan sewaktu menjadi penasihat Sri Maharajo Dirajo sebelumnya, bersama seorang lagi tokoh Cati Bilang Pandai.

Sementara Putari Indo Jalita permaisuri Sri Maharajo Dirajo selepas kematian suaminya bernikah pula dengan Cati Bilang Pandai yang disebut juga Indo Jati. Bersama Sri Maharajo Dirajo sebelumnya Puteri Indo Jalita ini mendapat seorang anak anak bernama Sutan Maharajo Basa. Perkahwinannya dengan Indo Jati ini memperolehi pula dua anak lelaki dan empat perempuan. Dua orang anak lelakinya ialah Sutan Balun dan Sikalap Dunia. Manakala anak-anak perempuannya pula i) Reno Alam, ii) Reno Sari, iii) Reno Gundah, dan iv) Reno Sudah atau Gembo Lelan Alam Putri Jamilan.

Bermula dari pemerintahan Datuk Suri Dirajo inilah beliau menyusun pentadbiran yang begitu bermakna dalam sistem-sosial Minangkabau hingga

sekarang. Sewaktu beliau menjadi Yang Dipertuan Datuk Suri Dirajo melantik Sutan Maharajo Basa sebagai pembesarnya dengan gelaran Datuk Ketumanggungan. Beliaulah kemudiannya yang menjadi pengasas kepada sistem pemerintahan Koto Piliang.

Sementara Sutan Balun saudaranya seibu pula dilantik oleh Yang Dipertuan Datuk Suri Dirajo sebagai pembesar yang bergelar Datuk Perpatih Nan Sebatang. Dari beliaulah diasaskan pula sistem pemerintahan Bodi Caniago. Pariangan sebagai pusat pemerintahan dianggap sebagai tampuk Tangkai Alam dipertlengkapkan dengan jabatan-jabatan tertentu untuk membantu pentadbiran Datuk Bandaro Kayo, yang terdiri:

1. Datuk Rajo Api sebagai kunci Pura
2. Datuk Kayo sebagai Camin Taruih
3. Datuk Maharajo Depang sebagai Aluang Bunia
4. Datuk Basa sebagai Peti nan Bagewang
5. Datuk Tunaro sebagai agiah simpanan kameh pamacik Sawah Gadang Satampang Baniah
6. Datuk Sinara Bagabang sebagai ujuang lidah titian kato
7. Datuk Tumbijo Dirajo sebagai pusak kunci Parik nan dalam

Manakala di Padang Panjang juga dilantik pembesar-pembesar bagi membantu Datuk Maharajo Basa menjalankan pentadbiran untuk melicinkan lagi pemakaian undang-undang dengan lebih sempurna. Mereka ini diberi gelaran:

1. Datuk Indo Jati
2. Datuk Simarajo
3. Datuk Kayo Basa
4. Datuk Amat Dirajo

Datuk Ketumanggungan dan Datuk Perpatih bersama-sama mendirikan perkampungan di Sungai Jambu sebelum meluaskan wilayah hingga ke Bungo Setangkai dan Dusun Tuo di Lima Kaum. Di perkampungan yang mereka berdua saudara teroka inilah bermulanya Gelar Pusaka yang dipakai turun temurun hingga sekarang. Gelar Pusaka tersebut dikenali sebagai 'Datuk Ketumanggungan' dan 'Datuk Perpatih Nan Sabatang'.

Perkampungan Sungai Jambu ini terletak tidak jauh dari Tampuak Tangkai Alam di Pariangan. Hingga sekarang kita boleh menemui bekas-bekas peninggalan pemerintahannya yang boleh dijadikan rujukan. Pada zaman inilah diperbuat sawah gadang satampang baniah di Pariangan yang disebut sebagai 'SAWAH CADANG SATAMPANG BANIAH', makanan urang tigo luhak, pusako lareh nan panjang.

Dalam istilah sawah gadang satampang baniah ini hanya mengandungi makna bahawa adat Minangkabau dan penduduk Minangkabau adalah berasal dari Pariangan. Dalam ertikata lain Pariangan adalah sumber peradapan dalam sistem sosial orang-orang Minangkabau. Bagaimanapun tidak mustahil pula sekiranya peradapan tersebut dipengaruhi oleh anasir-anasir luar apabila berlakunya hubungan dagang dengan negeri-negeri luar. Atas sebab-sebab inilah mereka meletakkan 'benih yang sebijo' sebagai lembaga yang akan tumbuh bersumber dari Pariangan, bagi mempertahankan sistem peradapan ini dari dicabuli oleh pengaruh luar.

Dengan yang demikian maka Pariangan disebut sebagai Tampuak Tangkai Alam Minangkabau menjadi sumber terpenting dalam merujuk mengenai peradapan dan tamaddun yang dipusakai turun temurun. Segala peninggalan yang dapat dilihat di Negeri Pariangan dan Sungai Jambu sekarang memperlihatkan hubungkait yang amat jelas dengan cerita dan penuturan yang terungkap.

Bagaimanapun adalah wajar satu penyelidikan khusus dilanjutkan lagi terhadap bekas-bekas peninggalan bagi memperlengkapkan kebenaran sejarahnya dari segi ilmiah yang lebih saintifik dan sistematik.

TOKOH-NAMA ORANG DAN TEMPAT

- | | | |
|--|---|---|
| Abdullah bin Dahan, Datuk | - | Yang Amat Mulia Datuk Undang Luak Rembau. |
| Abdul Jalil Hassan, Tan Sri Datuk | - | Bekas Mufti Negeri Johor, bekas Pengetua Kolej Islam, Klang, Pengerusi Majlis Fatwa bergelar Tan Sri dan Datuk. |
| Abu Samah Kasah | - | Teman yang bersama-sama saya kali pertama ke Padang - Peniaga, telah meninggal dunia. |
| Adnan bin Maah, Datuk | - | Yang Amat Mulia Datuk Undang Luak Rembau Yang ke 20 bergelar Datuk Sedia Raja, salah seorang dari Datuk Undang Yang Empat yang memilih dan mendaulatkan Raja (yang DiPertuan Besar Negeri Sembilan) |
| Ahmad Padang | - | Teman saya di Seremban yang mengenalkan saya kepada abangnya Ali di Padang-ahli perniagaan. |
| Akhirul Yahya Letkol | - | Bekas Wali Kota Padang-Pegawai Angkatan Laut (ALRI). Ketua rombongan Kesenian Minang. |
| Alam Bagagarsyah | - | Raja terakhir di Minangkabau m.s. 439. |

A. Malek bin Yusoff, Dato'	- Menteri Besar Negeri Sembilan yang pertama sesudah Persekutuan Tanah Melayu dibentuk pada 1/2/1948, sebelum itu Negeri Sembilan belum ada jawatan Menteri Besar.
Asal Nama Negeri Sembilan	- Muka surat 137.
Ali Salim	- Abang Ahmad Padang yang menunggu saya di Lapangan Terbang Tabieng sewaktu saya kali pertama sampai di Padang pada 1/1/1968 - telah meninggal dunia.
Azwar Anas, Datuk	- Bekas Gabenor Sumatera Barat, sekarang, Menteri Perhubungan Indonesia.
Batu Sangkar	- Ibu Kota Luhak Tanah Datar
Bendera Negeri	- Tiga warna, merah, kuning dan hitam sama warna dengan marawa atau bendera Minangkabau m.s. 142
Bonda Kandung	- Puteri raja yang amat bijaksana, sekarang ini sering digelar kepada kaum ibu yang beradat m.s. 411.
Bukit Tinggi	- Ibu Kota daerah Luak Agam terletak di atas sebuah bukit, hawanya agak dingin sedikit.

Bunga Setangkai

- Sebuah kerajaan yang berpusat di Sungai Kayu Bertaruk, m.s. 404.

Bukit Batu Patah

- Sebuah lagi kerajaan di Minangkabau m.s. 388.

Daeng Kemboja

- Anak Raja Bugis yang mahu merajai Negeri Sembilan, kalah perang dengan angkatan Raja Melewar.

Datuk Syahbandar Sungai Ujung

- Salah seorang orang besar Luak Sungai Ujung. Kedudukannya selepas Undang Luak. Ia mempunyai kuasanya yang tersendiri yang disebut Waris Di Air. Manakala Datuk Kelana pula dikenali sebagai Waris Di Darat. Kedudukan kedua-dua Datuk Kelana dan Datuk Shahbandar ini menurut kata adatnya, seperti mata hitam dan mata putih.

Dewan Bahasa & Pustaka

- Pusat penerbitan, penyelidikan dan perkembangan bahasa Melayu yang ditubuhkan khusus oleh kerajaan pusat, lebih kurang sama fungsinya seperti Balai Pustaka di Jakarta.

Dusun Tua Lima Kaum

- Lagi sebuah kerajaan di Minangkabau - m.s. 429.

Feri Dudat

- Feri yang berkhidmat mengambil penumpang dari Dumai ke Melaka. Feri inilah yang membawa rombongan kesenian Minang dalam rangka lawatan ke Negeri Sembilan pada tahun 1968.

Gabenor

- Kepala Daerah Tingkat Satu Sumatera Barat - lihat m.s. 292, 293 & 294.

Handoro, Major

- Seorang Pegawai Tentera rakan Ali yang turut menunggu saya di Lapangan Terbang Tabieng Padang - tidak diketahui di mana ia sekarang.

Harun Zain, Datuk

- Gabenor Sumatera Barat sewaktu saya sampai di Padang tahun 1968 - bekas Menteri Tenaga Rakyat - Rektor Universiti, di Jakarta.

Hasan Basri Durin, Datuk

- Mula berkenalan dengan saya ketika menjadi Wali Kota Padang - Gabenor Sumatera Barat sekarang.

Istana Lama

- Istana yang telah dibangunkan oleh Al-Marhum Tuanku Muhammad Shah, siap dalam tahun 1905. Lihat m.s. 262.

Jelevu

- Salah satu daerah (Kebupataan) di Negeri Sembilan.

Kahar Tukang

- Arkitek yang berjaya membangunkan Istana Lama. Kerana jasanya ia dikurniakan gelaran Datuk Panglima Sutan oleh Al-Marhum Tuanku Muhammad Shah.

Kajang

- Nama ibu kota daerah (kebupataan) Ulu Langat dalam Negeri Selangor.

Kamaludin Algamar

- Bupati Tanah Datar - Bupati (Pegawai Daerah) yang pertama saya temui dalam tahun 1968.

Kuala Pilah

- Salah satu daerah (kebupataan) di Negeri Sembilan.

Kuala Lumpur

- Ibu Kota Kerajaan Pusat.

Kuala Dulang

- Nama kampung di daerah Jelebu dan di sini jugalah didirikan masjid yang pertama di Jelebu yang terkenal dengan nama 'Masjid Kuala Dulang'. Setiap orang Datuk Undang yang baru dikerjankan menjadi satu 'adat' menunaikan sembahyang di masjid ini. Ada orang yang menganggap masjid ini sebagai masjid keramat.

Lembah Anai

- Terletak di tengah perjalanan antara Padang dengan Bukit Tinggi, pemandangan yang menarik dengan jalanraya yang berkelok-kelok dan terdapat sebuah air terjun yang cantik.

LKAAM

- Kata singkatan dari Lembaga Kerapatan Adat Alam Minangkabau - sebuah pertubuhan yang dianggotai oleh Datuk-Datuk Lembaga, Bonda Kandung dan Ketua-Ketua Adat Alam Minangkabau. Badan inilah yang menjaga, mengawal, mengembang dan memajukan Adat Perpatih di Minangkabau.

Luak

- Terdapat sembilan luak di Negeri Sembilan. Luak-luak tersebut ialah:
 - i. Sungai Ujung
 - ii. Jelevu
 - iii. Johol
 - iv. Rembau
 - v. Ulu Muar
 - vi. Jempol
 - vii. Gunung Pasir
 - viii. Inas
 - ix. Terachi

Luak Sungai Ujung, Jelevu, Johol dan Rembau mempunyai ketua adat yang dipanggil 'Undang'. Keempat-empat Datuk Undang inilah yang berkuasa melantik raja bila berlaku kemangkatan dan mendaulatkannya sebagai Yang DiPertuan Besar Negeri Sembilan.

Lima Luak selebihnya Ketua adatnya bergelar Penghulu.

Mereka ini tidak berkuasa melantik raja seperti Undang Yang Empat.

Luhak nan tigo

- Luhak asal Minangkabau m.s. 415.

Maninjau

- salah satu danau yang terindah di Minangkabau.

Mansur bin Osman, Dato'

- Menteri Besar Negeri Sembilan yang keempat sesudah Dr. Mohd. Said - pernah menjadi Timbalan Speaker Parlimen.

Menteri Besar

- Ketua Eksekutif Kerajaan Negeri lihat m.s. 283.

Menteri

- Anggota kabinet Kerajaan Pusat.

Medan

- Terletak di Sumatera Utara dan menjadi ibukotanya, Gabenor Sumatera Utara beribu pejabat di sini.

Melaka

- Salah satu negeri (provinsi) dalam Malaysia. Melaka terkenal dalam sejarahnya sebagai sebuah kerajaan Melayu yang masyhur dalam abad kelimabelas, dikalahkan oleh Portugis dalam tahun Masihi 1511.

Merapi

- Sebuah gunung berapi yang dikatakan masih lagi aktif

tetapi tidak berbahaya,
kelihatan jelas dari Bukit
Tinggi dan daerah-daerah
sekitarnya.

Mohd. Said, Dr.

- Bekas Menteri Besar Negeri Sembilan, Doktor Perubatan-bersara.

Mohd. Isa A. Samad Dato'

- Menteri Besar Negeri Sembilan sekarang.

Naam

- Datuk Penghulu Luak Ulu Muar yang terpedaya oleh Raja Khatib, akhirnya ia terbunuh dalam pergaduhan dengan pengikut-pengikut Raja Melewar.

Nama-Nama Suku di Negeri Sembilan

- Nama-nama suku ini berasal dari nama-nama kampung di Minangkabau yang dinamakan oleh peneroka-peneroka Minang yang datang dari kampung berkenaan, kecuali suku Biduanda dan Anak Acheh. Lihat m.s. 77.

Nawawi Indek

- Teman yang bersama-sama dengan saya kali pertama ke Padang - pegawai kerajaan bersara.

Padang

- Ibu Kota Provinsi (negeri) Sumatera Barat. Di sinilah ibu pejabat pentadbiran negeri dan pejabat Gabenor.

Pagar Ruyung	- Tempat bersemayam Raja-Raja Minangkabau zaman dahulu.
Palambang Bendera/Marawa	- Bendera kebesaran Minangkabau m.s. 437.
Pasumayam Koto Batu	- Lagi sebuah kerajaan di Minangkabau m.s. 377.
Penajis	- Nama kampung di daerah Rembau, di kampung inilah Raja Melewar ditabalkan menjadi raja. Berhampiran dengan Kampung Penajis ini ada sebuah kampung lagi bernama Istana Raja.
Paya Kumbuh	- Ibu kota daerah Luak Limapuluh Kota.
Perdana Menteri	- Ketua Eksekutif Negara Malaysia - lihat m.s. 307.
Port Dickson	- Salah satu daerah (kebupataan) di Negeri Sembilan, tepi laut.
Raja Khatib	- Anak raja yang diutus oleh Raja Pagar Ruyung yang belot, mengakui dirinya Putera Raja yang sebenar.
Rais Yatim, Datuk	- Menteri Besar Negeri Sembilan yang kelima sesudah Dato' Mansor, pernah menjadi Menteri kerajaan pusat.

Raja Melewar

- Putera Raja dari Pagar Ruyung dijemput menjadi raja yang pertama di Negeri Sembilan. Senarai raja Negeri Sembilan m.s. 257.

Rashid Manggis

- Datuk Penghulu bergelar Raja Penghulu, Minangkabau, seorang Datuk yang mula-mula saya temui di Bukit Tinggi - tokoh adat - sasterawan.

Rembau

- Salah satu daerah (kebupataan) di Negeri Sembilan.

Seremban

- Ibu kota negeri, Negeri Sembilan (salah satu daerah atau kebupataan) juga bandar yang terbesar di Negeri Sembilan.

Seri Menanti

- Tempat bersemayam Duli Yang Maha Mulia Yang DiPertuan Besar Negeri Sembilan.

Singgalang

- Sebuah gunung yang menjadi kemegahan orang-orang Minangkabau. Kedua-dua gunung, Merapi dan Singgalang sering dijadikan dendangan dalam lagu-lagu yang berirama Minang.

Singkarak

- Satu lagi danau yang terdapat di Minangkabau, ia lebih besar dari Danau Maninjau.

Sultan Selangor

- Salah seorang raja dan ketua dari negeri-negeri Melayu bernama negeri Selangor yang bergelar Duli Yang Maha Mulia Sultan Selangor.

Tampin

- Salah satu daerah (kebupataan) di Negeri Sembilan.

Tanah Datar

- Ibu Kota daerah Luak Tanah Datar. Dalam Luak ini terletak Istana Pagar Ruyung.

Teluk Bayur

- Sebuah pelabuhan kapal yang terletak tidak jauh dari Kota Padang.

Tunku Besar Tampin

- Salah seorang orang besar Negeri Sembilan yang kedudukannya selepas Undang Yang Empat tetapi tidak termasuk sebagai seorang yang melantik raja.

UMNO

- Kependekan dari bahasa Inggeris 'United Malays National Organisation' dalam bahasa Melayunya, Pertubuhan Kebangsaan Melayu Bersatu - sebuah parti politik yang didukung seluruhnya oleh orang-orang Melayu yang telah memelopori perjuangan pada peringkat awal, menentang Malayan Union ciptaan dan paksaan penjajah Inggeris dan kemudian berjuang menuntut kemerdekaan.

Yang DiPertuan Agong

- Ketua Negara bagi Malaysia, nama penuhnya Duli Yang Maha Mulia Seri Paduka Baginda Yang DiPertuan Agong yang dilantik setiap lima tahun sekali dari kalangan sembilan orang raja dari negeri-negeri di Semenanjung Tanah Melayu iaitu Negeri Sembilan, Selangor, Perlis, Terengganu, Kedah, Kelantan, Pahang, Johor dan Perak.

Yamtuan

- Kependekan dari 'Yang DiPertuan' biasanya digunakan dalam percakapan, dalam penulisan lebih baik digunakan sepenuhnya 'Yang DiPertuan'.

Yusaf Rahman

- Pemimpin Muzik Team Kesenian yang datang ke Negeri Sembilan tahun 1968.

Zainal Abidin Lati

- Teman yang bersama-sama dengan saya kali pertama ke Padang
 - Penghulu Mukim - bersara
 - bekas wakil rakyat.